


SANGGUNIAN TAYO'Y MAGTANONG UKOL SA KAPALARAN KAY Prof. JOAKENS

PATALASTAS—Sa simula'y matiyak ng sarili na ang hintuturo ay nasa gitna ng Orakulong ARAW at ipaikot ng pitong ulit. Pagkatapos ay turukin ng buong ingat; kung alin man ang mapapalarang maituturong b'lang ng TITIK ay may katumbas na titik na may PAHAYAG sa ibaba nito at siya naman ang nagsisiwalat ng tina-taglay na KAHULUGAN sa inyong PAG-UUGALI at KAPALARAN.



Blg.—4

HILIG ——— PAG-IBIG ——— KAPALARAN

- a.—Pananahimik sa kabuhayan ang lalandsin.
- b.—Ibuhos ang pag-ibig at diyan kayo may pagunlad.
- c.—Siya rin ang inyong makakaisang palad.
- d.—May maningning na hilig.
- e.—Huwag maiinip at nalalapit na ang kapalaran.
- f.—Kaya't baguhin ang kapalaran.
- g.—Maging malawak ang kaisipan at lakihan ang puso.
- h.—Ang bagong hinaharap ang siyang aasahan.
- i.—Unti-unting dumarating ang maiinam na pagkakataon.
- j.—Pagsusumikap at pag-papakabait ang kailangan.
- k.—Mayroong mabuting kahihinatnan.
- l.—Dating kasintahan ang siyang may pagtulong.
- m.—Kaya't ipagpatuloy mayroong aasahan.
- n.—Ang hilig ay ipagpatuloy.
- o.—Mabuting pagsasama ang hudyat ng tagumpay.
- p.—Kayo ang lilikha upang magkaroon ng mabuting kabuhayan.
- q.—Maganda ang kinabukasan.

G. LUCIO B. SANCHEZ. — Calawaan, Pasig, Rizal.

Kayo rin ang makasusumpong ng panibagong landas sa isang mabuting hanap-buhay na sasarilinin sa ibang panahon. Hilig ninyo ang katahimikan at walang panginoon.

G. DANIEL S. OLIVEROS. — Atimonan, Quezon.

Katambal na isinilang ang malakas na balani upang umakit ng kapuwa, kaya ingatan ang pang-akit na iyan sa kababaihan. May dadaanan kayong kagusutan ukol sa babae.

Gng. AMADA R. CRUZ. — Pamilihing-bayan, San Pablo City.

Pagsapit ng ika-tatlong anak ay doon pa lamang magbabago ang lakad ng inyong kabuhayan, kayo at ang asawa'y magkakatulong na mabuti sa hinaharap na hanap-buhay.

Bb. JOVITA A. TORNENEZ. — Corron, Aritao, N. Vizcaya.

Hindi muna matutuloy sa pag-aaral at bibigyan ng puwang ang pag-aasawa sa ibang bayan. Kayo ang ligawin saanman pumunta at manirahan. Nasa buhay may asawa ang pagginhawa.

G. ALFONSO BADILLI. — Ferrol, Odiengan, Romblon.

Ang mahinahon at maingat na pag-uugali ang siyang kinagigi-

SA MABUTING LAYUNIN

Ang buhay na siyang pinakamahalaga sa lahat ay siya rin namang madalas pagpahamakan ng tao at sa hindi kakaunting pagkakataon ay kinakasangkapan sa mga imbing hangarin. Ang ganitong pangyayari ay lubhang nagpapababa sa kadakilaan ng pagkatao na siya sanang kinakailangang itampok sa lahat ng sandali.

Dapat ngang ilaan ang buhay sa mabuting layunin, at kapag ang buhay ay hindi naitutumpak, at kapag hindi nagagamit sa wastong paraan, ang buhay na iyan ay walang kakatukaturan.

Kung sa bagay, ang lahat ng nilikha ay nagtataglay din naman ng buhay, at ito nga lamang tao ang kailangang mapaiba. Kaya't nakikita natin na ang ibang nilikha ay walang kaunlaran at wala rin namang kahihinatnan at sa tanang buhay nila ay walang dilang bagay at gawaing maipagmamalaki katulad ng tao.

Ang buhay ng tao ay isang pagsulong, at sapagka't pagsulong ay nangangahulugan ng pagkilos, pagsisikap at paggawa. Maliban dito, magiging pangkaraniwan na lamang ang taglay nating buhay.

Kailangan nga na ang lahat at ang bawa't isa ay magamit ang kaniyang buhay sa mga layuning banal at dakila. Kailangan na ang bawa't isa ay magkaroon ng ganap na pagsisikap na maisatugatog ang buhay at magkaroon ng mga katangian. Kung kaya madalas natin makita na may mga tao na wala sa tunay na hanay ng mga dapat dakilain. Bakit nga ganito? Ito marahil ang maitatanong, at ang angkop na sagot sa tanong na iyan ay ito. Hindi napapahanay sa mga dapat dakilain sapagka't hindi nga natutuhang gamitin at iukol ang kanilang buhay sa mga adhika at layuning sukat magpahalaga at magpadaki'a sa kanilang pagkatao. Kahinahinayang ang buhay na hindi napapakinabangan.

Lubha ngang nakapanghihinayang yaong mga lalaki at babaing nagtataglay ng mayamang buhay nang hindi naman napapakinabangan at hindi nagdudulot sa kanila ng mga kasaganaan at kaligayahan. Ang panahon ng buhay ay napakaikli, at wala sinuman sa atin na nakakabatid kung kailan magwawakas tayo at kung kailan din naman papanaw sa daigdig na ito. Kung ito nga ay siyang katotohanan, bakit hindi samantalain ang mga pagkakataon at ang bawa't sandali upang ang taglay na buhay ay ating maiukol at magamit sa mga gawain, layunin at adhikang kapuripuri? Nariyan halimbawa ang pag-ibig sa bayan, ang pagtulong sa kapuwa, ang paghahasik ng magagandang aral at simulain, ang pagpapalaganap ng dalisay na asal at ang pag-aakay sa mga naliligaw sa landas ng katotohanan.

Magamit nga lamang at maiukol ang buhay ng bawa't isa sa atin sa mabuting layunin, ang buong daigdig ay magiging payapa.

liwan ng kapuwá sa inyo. Sa ngayon ay dumarami ang kaibigan at kakilala. Hindi kayo maghihirap na tulad ng iba.

Bb. PERPETUA D. VALINO. — Aduas, Kabanatuan, N. Esiha.

Ang guhit sa palad ang nagpapakilalang may mabuting hinaharap sa pag-aasawa at maging sa kabuhayan. Magpapasásá sa kaluwagan nang kabuhayan. Kahit kayo'y babae ay nasa pag-uugali ang kase'anan sa pakikisama. Sadyang nagingat sa bawa't hakbáging laluna kung nauukol sa inaángking hilig. Ang ilang hilig ay matutupad na walang sagabal.

K U P O N

Prof. Joakens...		
Bulaklak Publications		
P. O. Box 1382, Maynila		
Kalakip ng kupong ito, ang aking tanong na nakasulat, na nauukol sa tamuhing kapalaran.		
Pangalan	Gulang	
May-asawa	Dalaga	Binata
Tirahan	Lagda	